

Broj /Број: 01,02-50-14-968-5/11
Sarajevo/Сарајево 8.12.2011. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 08-12-2011			
Organizaciona jedinica	Klasifikaciona oznaka	Redni broj	Broj priloga

- PREDSTAVNIČKOM DOMU
- DOMU NARODA
PARLAMENTARNE SKUPŠTINE BiH

Na osnovu člana 31. Poslovnika Predstavničkog doma Parlamentarne skupštine BiH („Službeni glasnik BiH“, br. 33/06, 41/06, 81/06, 91/06 i 91/07), člana 35. Poslovnika Doma naroda Parlamentarne skupštine BiH („Službeni glasnik BiH“, br. 33/06, 41/06, 91/06 i 91/07) i člana 51. Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09), Privremena zajednička komisija oba doma Parlamentarne skupštine BiH za provođenje procedure za izbor tri člana Upravnog odbora Agencije za razvoj visokog obrazovanja i osiguranje kvaliteta, na 5. sjednici, održanoj 8.12.2011., usvojila je, te Predstavničkom domu i Domu naroda Parlamentarne skupštine BiH podnosi sljedeći

IZVJEŠTAJ

o utvrđivanju Prijedloga jedinstvene rang-liste kandidata za izbor tri člana Upravnog odbora Agencije za razvoj visokog obrazovanja i osiguranje kvaliteta

I. Imenovanje članova Privremene zajedničke komisije oba doma Parlamentarne skupštine Bosne i Hercegovine za provođenje procedure za izbor tri člana Upravnog odbora Agencije za razvoj visokog obrazovanja i osiguranje kvaliteta

Parlamentarna skupština BiH je, na 7. sjednici Predstavničkog doma, održanoj 27.7.2011., i na 4. sjednici Doma naroda, održanoj 28.7.2011., imenovala članove Privremene zajedničke komisije oba doma Parlamentarne skupštine BiH za provođenje procedure za izbor tri člana Upravnog odbora Agencije za razvoj visokog obrazovanja i osiguranje kvaliteta (u daljnjem tekstu: Komisija), koju čine: Nermina Zaimović-Uzunović, Božo Ljubić i Petar Kunić iz Predstavničkog doma, te Mehmed Bradarić, Krstan Simić i Josip Merdžo iz Doma naroda Parlamentarne skupštine BiH.

II. Zadaci i hronologija rada Komisije

U skladu s članom 51. Okvirnog zakona o visokom obrazovanju u BiH, te čl. 3., 5., 7., 8., 10., 11. 12. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine („Sl.glasnik BiH“, broj 37/03), zadatak Komisije bio je da sačini potreban akt o svom radu, te provede daljnju proceduru izbora i predlaganja imenovanja u skladu s navedenim zakonskim propisima i aktom o svom radu.

Kako bi realizirala svoje zadatke, Komisija je održala pet sjednica.

Konstituirajuća sjednica održana je 29.9.2011. Na ovoj sjednici članovi Komisije jednoglasno su za predsjedavajuću izabrali Nerminu Zaimović-Uzunović, za prvog zamjenika predsjedavajuće Josipa Merdžu, te za drugog zamjenika Petra Kunića. S ciljem javnosti rada, na veb-stranici PSBiH objavljeni su određeni akti, kao što je tekst Javnog konkursa i najave održavanja sjednica.

Postupajući u skladu sa svojim nadležnostima, Komisija je, na 2. sjednici, održanoj 5.10.2011., usvojila Poslovnik o radu. Poslovnikom o radu propisan je način rada, raspisivanje i uslovi javnog konkursa, dokumenti koji se prilažu uz prijavu, rad po završetku javnog konkursa, intervju-javno saslušanje kandidata, kriteriji bodovanja, postupak bodovanja i utvrđivanje prijedloga jedinstvene liste kandidata i druga pitanja.

Na osnovu zakonskih odredbi, te odredbi čl. 7. do 10. Poslovnika, Komisija je na istoj sjednici pripremila i donijela Odluku o objavljivanju Javnog konkursa za provođenje procedure za izbor tri člana Upravnog odbora Agencije za razvoj visokog obrazovanja i osiguranje kvaliteta. Uslove Javnog konkursa Komisija je utvrdila na osnovu navedenih zakonskih i odredbi Poslovnika o radu Komisije.

Javni konkurs objavljen je u:

- "Oslobođenju", "Večernjem listu", "Nezavisnim novinama" i "Službenom glasniku Brčko Distrikta BiH" 21. 10. 2011., a u "Službenom glasniku BiH", broj 85/11, 24. 10. 2011., te na veb-stranici Parlamentarne skupštine BiH.

Rok za podnošenje prijave na Javni konkurs bio je (zaključno) 9. novembar 2011.

III. Prijavljeni kandidati, utvrđivanje ispravnosti dostavljene dokumentacije i intervju

U skladu s članom 11. Poslovnika o radu, sljedeći zadatak Komisije sastojao se u provjeri formalno-pravne valjanosti, blagovremenosti i kompletnosti prijave kandidata s dostavljenom dokumentacijom.

U ovoj fazi rada Komisija je konstatala da se na Javni konkurs prijavio 21 kandidat, i to:

1. AUGUSTINOVIĆ, IVICA
2. BOKONJIĆ, DEJAN
3. ČIČIĆ, MURIS
4. DILBER, DRAGANA
5. DOBRNJAC, MIRKO
6. ĐUZULAN, DRAGAN
7. ISIĆ, UMA
8. JAKUPOVIĆ, ESAD
9. JUKA, SLAVICA
10. KADRIĆ, REMZIJA
11. LEMEŠ, SAMIR
12. LJUBIĆ, FRANO
13. MEHIĆ, BAKIR
14. MUJAČIĆ, SAMRA
15. PAŠALIĆ, STEVO

16. SELESKOVIĆ, ZORAN
17. SKOČIBUŠIĆ, SINIŠA
18. TANOVIĆ, LAMIJA
19. VELADŽIĆ, NEVZET
20. ZOVKO, LJUBOMIR
21. ZUKO, ALMEDINA

Komisija je, na 3. sjednici, održanoj 22.11.2011., pojedinačno i detaljno razmotrila svaku prijavu kandidata i dokumente dostavljene uz nju. Nakon uvida u dokumentaciju svakog prijavljenog kandidata, Komisija je utvrdila da prijave svih kandidata ispunjavaju uslove predviđene Javnim konkursom.

U skladu s članom 12. Poslovnika o radu Komisije, kandidati su bili pozvani na intervju. O datumu, vremenu i mjestu održavanja intervjuja svi kandidati pismeno su obaviješteni.

Komisija je na 4. sjednici, održanoj 7.12.2011., obavila intervju- javno saslušanje kandidata. Intervjuu se odazvalo 16 kandidata.

Komisija je, u skladu s članom 13. Poslovnika o radu, sačinila obrazac-tabelu za ocjenjivanje svakog kandidata od prisutnih članova Komisije. Broj bodova svakog kandidata količnik je sabranih ocjena koje je dao svaki intervjuu prisutni član Komisije podijeljen s brojem intervjuu prisutnih članova Komisije.

IV. Utvrđivanje prijedloga jedinstvene liste kandidata

U skladu s članom 14. Poslovnika o radu Komisije, njen sljedeći zadatak bio je da, nakon provedene procedure, utvrdi prijedlog jedinstvene liste kandidata s tačnim brojem Zakonom propisanih pozicija, odnosno Prijedlog jedinstvene liste od tri, prema mišljenju Komisije, najuspješnija kandidata za članove Upravnog odbora Agencije. Komisija je pri tome bila obavezna ispoštovati uslove utvrđene Zakonom - zastupljenost konstitutivnih naroda i zvanje redovnog univerzitetskog profesora za najmanje dva kandidata. Također, Komisija se obavezala da će, poštujući zakonske i odredbe Poslovnika o radu, u svom izvještaju domovima Parlamentarne skupštine BiH, nakon prijedloga jedinstvene liste za Upravni odbor, u daljnjem tekstu posebno navesti imena i bodove za ostale kandidate s kojima je obavljen intervju, a koji su, prema mišljenju Komisije, bili manje uspješni u odnosu na kandidate s jedinstvene liste.

IV. 1. Kako se Komisija, u skladu s članom 14. Poslovnika o radu, obavezala predložiti domovima Parlamentarne skupštine BiH Jedinstvenu listu kandidata za imenovanje članova Upravnog odbora s tačno propisanim brojem pozicija za imenovanje, vodeći računa i o obavezi da od tri člana Upravnog odbora po jedan član treba biti predstavnik bošnjačkog, srpskog i hrvatskog naroda, te da najmanje dva od njih moraju imati zvanje redovnog univerzitetskog profesora, kako je to propisano članom 51. st. (8) i (11) Okvirnog zakona o visokom obrazovanju u BiH, to je u nastavku utvrdila prijedlog navedene liste:

PRIJEDLOG
JEDINSTVENE LISTE OD TRI KANDIDATA ZA IMENOVANJE ČLANOVA
UPRAVNOG ODBORA AGENCIJE ZA RAZVOJ VISOKOG OBRAZOVANJA I
OSIGURANJE KVALITETA

Redni broj	Kandidat	Pripadnost narodu	Broj bodova
1.	MURIS ČIČIĆ	B	550
2.	FRANO LJUBIĆ	H	550
3.	STEVO PAŠALIĆ	S	520

IV. 2. Nakon provedenog intervjua i bodovanja kandidata, Komisija je utvrdila sljedeću listu svih kandidata za člana Upravnog odbora Agencije:

Redni broj	Kandidat	Pripadnost narodu	Broj bodova
1.	MURIS ČIČIĆ	B	550
2.	FRANO LJUBIĆ	H	550
3.	SLAVICA JUKA	H	545
4.	LAMIJA TANOVIĆ	B	533
5.	STEVO PAŠALIĆ	S	520
6.	ZORAN SELESKOVIĆ	B	513
7.	NEVZET VELADŽIĆ	B	483
8.	SAMRA MUJAČIĆ	B	445
9.	SAMIR LEMEŠ	B	415
10.	BAKIR MEHIĆ	B	415
11.	ALMEDINA ZUKO	B	395
12.	MIRKO DOBRNJAC	S	395
13.	DRAGAN ĐUZULAN	S	370
14.	DRAGANA DILBER	H	310
15.	IVICA AUGUSTINOVIĆ	H	290
16.	REMZIJA KADRIĆ	B	260

V. Dostavljanje prijedloga jedinstvene liste kandidata u parlamentarnu proceduru

Komisija je na 5. sjednici, održanoj 8.12.2011., jednoglasno usvojila prijedlog liste kandidata za Upravni odbor Agencije za razvoj visokog obrazovanja i osiguranje kvaliteta.

U skladu sa zakonskim i poslovničkim odredbama, Komisija dostavlja utvrđeni prijedlog liste kandidata za Upravni odbor Agencije za razvoj visokog obrazovanja i osiguranje kvaliteta Predstavničkom domu i Domu naroda Parlamentarne skupštine BiH na daljnji postupak.

Za izvjestioce o radu i o ovom izvještaju Komisije u domovima Parlamentarne skupštine BiH određeni su:

- iz Predstavničkog doma - Nermina Zaimović - Uzunović, predsjedavajuća Komisije,
- iz Doma naroda – Josip Merdžo, prvi zamjenik predsjedavajuće Komisije.



Predsjedavajuća
Privremene zajedničke komisije
Nermina Zaimović - Uzunović

Dostaviti:

- Kolegiju Predstavničkog doma;
- Kolegiju Doma naroda;
- a/a

Prilog:

- Prijedlog jedinstvene rang- liste od tri kandidata za imenovanje članova Upravnog odbora Agencije za razvoj visokog obrazovanja i osiguranje kvaliteta

PRIJEDLOG
JEDINSTVENE LISTE OD TRI KANDIDATA ZA IMENOVANJE ČLANOVA
UPRAVNOG ODBORA AGENCIJE ZA RAZVOJ VISOKOG OBRAZOVANJA I
OSIGURANJE KVALITETA

Redni broj	Kandidat	Pripadnost narodu	Broj bodova
1.	ČIČIĆ MURIS	B	550
2.	LJUBIĆ FRANO	H	550
3.	PAŠALIĆ STEVO	S	520



Predsjedavajuća Komisije
Nermina Zaimović – Uzunović

Nermina Zaimović

Prvi zamjenik predsjedavajuće
Josip Merdžo

Josip Merdžo

Drugi zamjenik predsjedavajuće
Petar Kunić

Petar Kunić